

muncze vnd czenden mit dem lantgerichte statgerichte vnd berggerichte mit allin renten nuczzen vnd herschesten vñgenommen lehin geistlich vnd weltlichen vnd Manschafft als obin geschribin sted vnser allir dryer Partie glich mit einander syn vnd vngesundert blieben vnd darczu alle Bergwerck dy wir iczund in den genanten dry landen vnd teylen habin adir noch darynne vffstunden vnd wollin dy Bergwerck mit einander alle glich getruwelichin schutzen vorteydingen vnd furdern ane geuerde, Was abir vnser iglicher mit synen phengen vff den bergwercken erbawet vnde irerbeitet, das sal ym alleynne bliben, Geschehin ouch vff denselbin vnsern bergwercken brüche von was sachen das quemen da not vmb were czu reden adir czuteidingen, So sal der den das erst wizzintlich ist das die andern czwene von stad an lahen wizzzen, dy sullin dann bynnen virczen tagen vff einen genannten tag darczu ryten adir senden ob sy wollin vnd gliche macht vnd herschafft habin das czu richten vnd czu teidingen nach vnser allir fromen nuczzen vnd besten, Senten aber vnser czwene adir vnser einer nicht darczu was geschessde vns das beneme So sullin der adir dy dy denn da geinwertig weren das vns allin getruwelich richten vnd vertigen nach rate vnd mit wizzzen vnser amptlute daselbins, so das vnser eyne glich als dem andern nucz ere vnd frome daruñ werde ane geuerde, Wenn iz aber sulche brüche dy man czu stund an richten vnd vertigen muste durchs mergliches schaden wizzlin der davon komen mochte, So mag denn vñdir vns der der da geinwertig ist dy brüche vns allin czu glichen eren fromen vnd nuczzen richten nach rate vnd mit wizzzen vnser Amptlute als vor sted geschriben vnd nymant sal vorteil darynne suchin gein den andern ane geuerde Wir sullin ouch alle Amptlute vff den bergwercken glich mit einander seczin vnd die sullin vnser eyne glich also gehorsam vnd vntertenig syn als den andern, das wir alle vorgeschriben rede stugke vnd artikele mit einander vnd iglichin besundern stete ganz vnd vñvorbrochlich halten wollin, das hat vnser ein dem andern in guten truwen globt vnd habin des czu Brkunde